



تاریخ وادستات

حامد ۱۳۳۶

مجموعه

برکون بیلنیر قیسی مجموعه ملک اما
پلاچوق آوانیر اورتهده مجموعه بولمیز

ایتدک شرف خدمت اجدادی فراموش
آثارینه اسلافنک رغبت اولمیز

سلیمانم اوچورمه هد هد طبعم رکابکدن
کلن وفد امل بلقیس اقلیم سبادندر
صاقن خونپاش زخم عشقه کامی، سرزنش قیلمه
محبت سنکی عشاقه فلاخون قضا دندر

نظیره شیخ عثمان شمس افندی

وصال قرب اوج کبریا سلك فنادندر
که معراج مسیحا ترك و تجرید سوادندر
بلند ایلر تواضع قدرینی اهل کمالاتک
که مهرک ارتفاعی، خاکه وضع جبهه ساندنر
نظرده روزکارک هیچدر ملک سلیمان
اساس دولت اورنک و دیهیمی هوادندر
شکست ایتدی جمالی قدرین اول شوخ جفا آیین
خراب کشور معموره هپ ظلم و جفا دندر
روادر اولسه اول غنجه دهن خندان آهمدن
صفای خنده کل صوت مرغ خوشنوادندر
عجیبی شانه وش چاک اولسه دلر کفر زلفکدن
جهانده هر بلاکیم چکدی آدم آشنادندر
اولور نقصانی تام اهل سلوکک فیض وحدتن
که نور بدر کامل پرتو مهر سبادندر
جناب کامی معجز بیانه همعان اولدم
سخن دشتده کیم اول شهسوارانه ادادندر
بیان خامه آتشران طبعه ای «شمسی»
فیوضات معانی شمع مشکاة خدادندر

ایکی عالمده دوشمز پنجهسی چاک کریبانه
اوکیم دامنکری خسته آل عبادندر

۱۲۹۵ سنه سنده - تذکره شعرای آمد - سی تحریر ایلدیکم اننامه
بولی سنجاغی تحریرات مدیری بولان بیوک برادریم احمد طاکف افندییه
یازدیغم مکتوبده ، تذکره یه درج اولمق ایچون بعض اشعاراسته مشدم -
بوغزل مرحومك اول وقت انشاد ایدوب کوئدردیکی آتاردندر .

غزل

آگلادان دل ماجراسن خامه در
یازدیغم یاره انکچون نامه در
لطفی اغیاره محصور ایلش
اول مهك جورى دل ناکامه در
چوق زماندر طالب تشریف ایکن
وعدی اولشو خك بوکون اقشامه در
ناز و استغنا ادا و شیوه هب
قد دلداره بچلمش جامه در
زمره خوبان دور حاضرک
وصلی انجق برکوچک ابرامه در
چکدیکم جورى فلکدن سویلسم
اهل عشقه براوزون غمنامه در
اعتباری چرخ دونک اکتری
برطاقم نادان ایله کمنامه در
بذل جانہ حاضر و آماده یم
عیدلطفک قنئی سمد ایامه در